

菩薩本行經

經籍

百八十九  
器十



元祿九年丙子二月日重脩

皇圖策固 帝階綴呂

佛日增輝 懋輪常轉

山城州天安寺法金剛院置

卍



48601  
菩薩本行經卷下

失譯

尔時如來說是正真微妙語時諸疫鬼輩悉  
皆走去向摩竭國毗舍離國病盡除瘥時佛  
復還摩竭國中疫鬼復還毗舍離國尔時世  
尊往來七反即便說言我從無數劫已來所  
作功德大作誓願我今以此正真之行除去  
一切衆生身病并除意病佛言我爲尸毗王  
時爲一鵠故割其身肉興立誓願除去一切  
衆生危嶮摩訶薩埵太子時爲餓虎故放捨  
身命舍尸王時自以身肉供養病人經十二  
年阿彌陀加良王病自合藥而欲服之時有

器



辟支佛病與王同來從乞藥王自不服即便  
持藥施辟支佛自作誓願使一切病皆悉除  
愈修陀素弥王時日王臨死而濟其命令迦  
摩沙毘王使入正見十二年惡誓使得消除  
須大拏太子時二兒及婦持用布施摩休沙  
陀太子時以藥除衆生病復入大海得摩屈  
珠復除衆生貧困摩訶婆利王時二十四日  
自以身肉以供病人羸提婆羅仙人時割截  
手足不起恚意迦尸王時人民疫病王受八  
關齋起大慈心念於衆生人民病者皆悉除  
瘥毗婆浮為解呪即時人民疫病以身血肉  
持用解除與鬼噉之人民衆病皆悉除瘥梵



天王時爲一偈故自剥身皮而用寫經毗楞  
竭梨王時爲一偈故於其身上而啄千釘優  
多梨仙人時爲一偈故剥身皮爲紙折骨爲  
筆血罈和墨跋弥王時國中人民盡有瘡病  
王自行見<sup>三</sup>毒樹此毒樹葉墮於水中人飲此  
水令人有病即拔毒樹根株盡隨以火燒之

人民瘡病半得除瘡其中故有不瘡者王問  
醫言衆生瘡病何以不瘡醫答王言此瘡病  
重當得魚肉食之乃瘡王聞其言即到水邊  
上樹求願作魚今我以身除衆生病持此功  
德用求佛道普除一切衆生無量身病意病  
審如所願其有衆生食我肉者病盡除瘡即

從樹上投身水中便化成魚而有聲言其有病者來取我肉噉病當除瘥人民聞聲皆來取魚肉食之病盡除愈於是世尊自說前世宿行所作結於誓願今皆得之今我以此正真之教除去一切衆生灾禍時佛便自化身作兩頭一頭看毗舍離國一頭看摩竭國疫鬼盡去還於大海人民衆病皆悉除瘥五穀豐熟人民安樂以法廣化并使意中諸欲之病悉得清淨立之於道一切人民皆大歡喜於是諸比丘異口同音讚歎如來無量功德甚竒甚特不可思議

佛告諸比丘我不但今除衆生病飢渴之患



過去世時亦復如是乃往過去無數世時此  
閻浮提有大國王名曰梵天與閻浮提八萬  
四千諸小國王有二萬夫人姝女一萬無有  
太子晝夜愁憂禱祠神祇梵天天帝摩訶  
梨天諸大神日月天地因乃得見時子生皆  
端正姝好有大人相名大自在天爲人慈仁  
聰明智慧世之典籍星宿變運日月博蝕一  
切技術莫不通達復學醫術和合諸藥宣令  
國中諸有病者悉來詣我當給醫藥飲食占  
視人民聞令諸有病者盡詣太子國中大小  
皆悉歡喜莫不歎德更不向餘醫輕慢餘醫  
諸醫師輩盡皆瞋恚妬忌太子當于是時舉

閻浮提人民疫病加復穀貴集諸醫藥不能  
令瘥人民死者日日甚多王大愁憂命召諸  
醫問其方藥時有一醫妬王太子者心自念  
言今此太子是我冤家今乃得便即白王言  
更有一方試盡推覓王便可之即便去明日  
乃還前白王言推得一方若使大王得服之  
者衆病必除王即告言須何等藥便試說之  
醫荅王言當得從生以來人慈愍衆生未曾  
起於瞋恚意者當用其血和藥服之得其兩  
眼用解遣鬼衆病乃瘥王即荅言從生以來  
不起瞋恚此實難有此事甚難不可得也太  
子聞之白父王言此事易耳不爲難得太子



白王言我是父王之子我從生以來不曾恚  
瞋加害於人常慈愍一切初無惡相我身非  
常而無堅固不久會亦當死唯願大王聽我  
爲藥除衆生病王便荅言我無子息禱祠諸  
天日月星辰四山五岳因乃得子今寧亡身  
失國終不聽汝太子便白父王言我求佛道  
今我以血施與衆生持此功德佛諸經法盡  
當解了我今以此肉眼施與衆生以此功德  
當得如來智慧之眼當爲一切而作正導大  
王雖無太子故得爲王若使國土無有人民  
爲誰作王使諸人民衆病悉除亦使父王無  
有憂愁王復悲泣荅太子言今我寧棄國王

位可哀之子實不能捨於是太子長跪叉手  
白父王言今我求於無上正真之道若使愛惜  
臭穢之身云何得解如來智慧深妙之法云  
何當得一切慧眼唯願父王莫得却我無上  
道心父王嘿然更無所說醫白王言我試取  
血持用和藥與諸病人若便得瘥乃出其眼  
若不瘥者不須出眼於是太子刺臂出血作  
誓願言我以此血除衆生病持此功德用成  
無上正真之道審成佛者一切衆生服此藥  
者病當除瘥便以血和藥與諸病人病皆除  
愈醫便白王其有病人服此藥者皆悉除瘥  
目前現事可不信也時閻浮提八萬四千諸



小王臣民間大王太子自出其眼愍救一切  
莫不悲泣皆悉來集長跪叉手白太子言唯  
願大王太子我曹寧自放捨身命不使太子  
毀其眼目汝之慈愍一切衆生不久成佛願  
莫自毀壞其眼目於是太子諫謝諸王臣民  
今我以此血肉之眼除衆生病持此功德用  
求佛道我成佛時當除汝等身病意病莫得  
却我無上道心尔時諸王一切臣民間是語  
已默然而住於是太子便勅左右設施解具  
欲挑其眼語左右人言誰能挑我眼者左右  
人皆皆辭不能時醫妬太子者荅言我能太  
子歡喜報言甚快持刀授之語醫者言挑眼

著我掌中便挑一眼著太子掌中於是太子  
便立誓言今我以此肉眼施與衆生不求轉  
輪聖王不求魔王不求梵王色聲香味細滑  
之樂持此功德用求無上正真之道使我得  
成一切智眼普爲十方無量衆生作大醫王  
除去一切衆生身病意病施衆生智慧之眼  
作是語已即便持眼著於案上審如我心所  
願者一切衆生病皆除愈父母見之即便悶  
絕良久乃蘇諸王臣民舉聲啼哭動於天地宛  
轉自撲或有迷悶絕者適欲舉刀更挑一眼  
應時三千大千世界爲大震動三界諸天皆  
悉來下見於菩薩爲衆生故自挑其眼而血



流出無數諸天皆悉悲泣淚如盛雨時天帝  
釋到太子前問太子言汝今慈愍爲衆生故  
不惜身命出其肉眼如是勤苦實爲甚難所  
作功德欲求何等求轉輪王天帝魔王梵天  
王子求何等願耶太子荅言不求聖王天帝  
魔王梵天王也不求三界色聲香味細滑之  
樂持此功德用求無上正真之道爲十方一  
切衆生作大醫王普除一切衆生身病意病  
施與衆生智慧之眼普離生死一切諸患時  
天帝釋一切諸天讚言善哉善哉甚快難及  
如汝所願成佛不久時天帝釋即取其眼還  
用持著太子眼中於時太子眼即平復絕更

明好踰倍於前無量諸天即以天華而散其上  
莫不歡喜父王及母夫人姝女諸王臣民皆  
大歡喜踊躍無量時天帝釋勅比婆苓摩大  
將軍逐諸疫鬼盡還大海一切病者皆悉除  
愈天帝便雨種種飲食次雨穀米次雨衣服  
次雨七寶一切衆生病盡除瘥皆悉飽滿無  
飢渴者人民歡喜國遂興隆却後數年父王  
命終便登王位坐於正殿七寶自至爲轉輪  
王主四天下莫不蒙慶所作功德現世獲之  
佛告諸比丘爾時太子大自在天者則我身  
是爾時父王梵天者則今父王白淨是爾時  
母者今我母摩耶是爾時醫挑我眼者今調



達是尔時閻浮提人民者今毗舍離國摩竭  
國人民是而我尔時亦除其病飢渴之困我  
今亦復除去衆生身病意病亦使衆生普得  
慧眼立於道證菩薩行檀波羅蜜勤苦如是  
時諸比丘聞佛所說皆大歡喜爲佛作禮  
聞如是一時佛在舍衛國祇樹給孤獨園佛  
與千二百五十沙門俱欲入城分衛其佛欲  
入城之時五百天人先放香風吹於道路及  
諸里巷悉令清淨不淨瑕穢糞除臭處自然  
入地悉令道路淨潔五百天人雨於香汁道  
路街巷悉令潤澤而散天華國王臣民見其  
瑞應知佛當來悉捨所好諸事緣務皆悉馳

走來迎世尊人民見佛中有掃地者散華者  
燒香者持衣布地者中有解髮布地欲令佛  
踏上而過者以身投地四布令佛踏上者有  
持幡盖者有作伎樂者一心叉手以清淨意  
而視佛一切衆生各各種種恭敬世尊時有  
一婆羅門至爲貧窮無有花香供養之調用  
自慙耻更無餘計唯當一心淨意視佛即便  
恭肅敬意以踊躍心叉手而任視於如來以  
偈歎佛而說頌曰

表容紫金耀 三十二相明 一切衆生類  
覩者莫不歡 見佛心踊躍 憂愁皆消除  
永度生死海 稽首禮大安



尔時世尊欣然而笑五色光從口中出有千  
百竒一一光頭出無數明一一光端有七寶  
蓮華一一華上皆有化佛遍照十方下至諸  
大地獄上至三十三天遍照五道幽冥之處  
極佛境界莫不大明三千世界諸天人人民見  
佛光明莫不踊躍各離宮殿捨其所樂咸至  
佛所聽說經法而得度者見其光明而得度  
者咸聞化佛所說經法而得度者或有尋光  
來至佛所而得度者無量地獄拷治之處悉  
得休息壽終之後盡得生天一切畜生禽獸  
之處善心自生慈心相向不相傷害壽終之  
後亦得生天餓鬼之中都悉自然得百味食

無有飢渴之想歡喜踊躍無復慳心壽終之  
後盡得生天無量衆生盲者得視聾者得聽  
癡者得語僂者得伸拘躄能行癰殘百病皆  
悉除愈牢獄繫閉悉皆放解當尔之時大千  
世界諸天人民一切大衆莫不歡喜心皆清  
淨無復三垢其中或有得生天者得道迹者  
往來者不還者得羅漢者得辟支佛道者有  
發無上正真道意者或有堅住不退轉者各  
各如是不可稱計世尊光明照十方已還遶  
身三帀從眉間入於是阿難更整衣服長跪  
叉手前白佛言世尊今笑必有所因唯願說  
之佛告阿難見此婆羅門不阿難對曰唯然



已見佛告阿難此娑羅門以清淨心一偈歎  
佛從是以後十三劫中天上人中封受自然  
常得端正言辭辯慧人所讚歎不墮三塗八  
難之處却後皆當成辟支佛名曰歡悅一切  
衆會聞佛所說皆悉歡喜歌歎佛德阿難白  
佛言如來功德不可思議此娑羅門一偈歎  
佛所得功德不可限量使乃如是佛告阿難  
此娑羅門非但今日而讚歎我而得善利乃  
往過去世波羅柰國王名娑摩達多而出遊  
獵象兵馬兵車兵導從前後遊獵於山得一  
白象身白如雪光澤可愛而有六牙王得此  
象大用歡喜即付象師令便調之于時象師

即著枷鞅絆大杖閉之於時其象悲泣淚出  
不欲飲食經于七日象師怖懼此王家象若  
不飲食不久便死即白王言所得白象不肯  
飲食悲泣淚出王聞其言即往看之王問象  
言何以不食象便作人語而白王言我心愁  
憂唯願大王當去我愁王復問言有何等愁  
象荅王言我有父母年老朽邁不能行來更  
無供養者唯我供養採取飲食若我在此拘  
繫無供養者便當俱沒用爲悲愁大王若有  
大慈放我使去供養父母畢其年命自當來  
還供養大王不違此誓王聞其言愴然不樂  
即讚歎言汝雖畜生修於人行我雖爲人作



畜生行王即長跪解象令去時象便去供養  
父母經十二年父母終亡即便來還詣於王  
宮王見象還益加歡喜七寶莊嚴瓔珞其身  
王欲出時象在前導王愛此象過踰太子衆  
象中最因名象幡時有貧婆羅門欲詣王乞  
便問人言作何方便可得財賄有人語之王  
有白象甚爲敬愛汝若能歎此象者乃可大  
得時婆羅門伺王出時在路傍任即歎白象  
而說偈言

汝身甚姝好

猶若天帝象

衆象相具鬼

福德甚巍巍

形影無雙比

猶若白雪光

身體甚難及

奇特不可量

尔時國王聞歎白象大用歡喜賜婆羅門金  
錢五百使用致富佛告阿難尔時象幡者則  
我身是時婆羅門者今此婆羅門是尔時歎  
我而得益利用濟窮乏今我成佛而復歎我  
獲其福報不可限量因得濟度生死之難阿  
難長跪前白佛言若使有人四句一頌讚歎  
如來當得幾許功德之報佛告阿難正使億  
百千那術無數衆生皆得人身悉得成就辟  
支佛道設使有人供養是等諸辟支佛衣被  
飲食醫藥床卧敷具滿百歲中其人功德寧  
爲多不阿難白佛言甚多甚多不可計量若  
使有人四句一偈以歡喜心讚歎如來所得



功德過於供養諸辟支佛得福德者上百千  
萬倍億億無數倍無以爲喻賢者阿難一切  
大會聞佛所說皆大歡喜遶佛三帀頭面作禮  
聞如是一時佛在波羅柰國精舍中止諸佛  
之法晝三時夜三時以正覺眼觀於衆生誰  
應度者輒往度之時波羅柰王有輔相婆羅  
門新娶婦甚爲愛敬其婦白夫與我一願輔  
相荅曰欲求何等恣隨汝意婦即報言聽我  
施佛及比丘僧手自斟酌聽說經法夫即可  
之從汝所欲

尔時世尊知其應度明日晨朝著衣持鉢往  
詣其家輔相夫婦聞佛在外歡喜踊躍即出

奉迎稽首佛足施設床座請佛入坐供施甘  
饌卅尊食畢輔相夫婦手自執水灌卅尊手  
於是如來洗手漱口已訖爲說經法讚施之  
德持戒之福天上人中封授自然尊榮豪貴  
富樂無極雖復高尊諸欲自恣不能得免三  
塗之苦地獄之中火燒湯煮刀山劍樹火車  
爐炭刀鋸解析甚酷甚痛不可具陳餓鬼中  
苦身瘦腹大咽細如針毛孔骨節相敲共相  
切磨舉身火然百千萬歲不聞水穀之名飢  
渴甚困不可具說畜生中苦虎狼師子蛇蟒  
蝮虺更相殘害互相噉食三塗之中惡心熾  
盛無有善意大如毛髮宛轉苦毒無有出期



唯捨諸欲思惟正諦亦乃得離衆苦毒耳受  
三界身悉皆有苦一切衆苦皆從習生由習  
諸欲三毒之垢諸行之報便有衆苦斷絕三  
毒消然諸欲則無諸行衆行已盡則不受身  
已無有身衆苦便滅欲盡諸行一切縛者唯  
當思惟八正之道佛爲輔相夫婦說此法已  
應時夫婦歡喜踊躍入四正諦即於佛前得  
須陀洹道於是夫婦觀家如獄見欲如火不  
樂恩愛長跪白佛願爲沙門佛即可之鬚髮  
自墮法衣在身其夫便成沙門婦即成比丘  
尼俱隨佛後到於精舍亦時世尊重爲說法  
三十七品諸禪三昧思惟意解諸欲永盡俱

成羅漢六通清徹時諸比丘讚歎如來神力  
智慧并復讚歎二阿羅漢甚奇甚特在於尊  
豪便能放捨尊貴榮祿其婦少壯棄欲捨樂  
甚爲難及佛告諸比丘此阿羅漢乃前世時  
亦有好心今意亦好乃往過去無量世時波  
羅柰國婆羅摩達王王有輔相名比丘梨爲  
人慈仁聰明博達靡所不通唯以十善而用  
教化王及臣民莫不諮受王甚敬愛時海龍  
王名波留丘王有夫人名摩那斯王甚愛敬  
於時龍王欲至天上會於釋所龍王持婦囑  
宮中五百姝女無得嬉惱觸誤其意龍王去  
後於是夫人坐自思惟宿命之事憶念前世



爲人之時毀失禁戒今墮龍中即便不樂悲  
泣淚出諸侍女輩見其不樂咸共問之何以  
不樂夫人荅言憶念先世本爲人時坐犯禁  
戒今作龍身受此毒惡醜穢之形用爲不樂  
問諸侍女作何方便得脫龍身生於天上諸  
侍女言以龍身之形含毒熾盛求脫龍身生  
於天上甚難甚難求索人身尚不可得況生  
天上中有一女而便荅言我曾聞於閻浮提  
波羅柰國婆羅達王有一輔相至爲慈仁智  
慧無比一切經典靡不通達生天人中五道  
所趣悉皆知之五戒十善而用教化能往問  
之乃知生天所行之法脫龍之行龍王來還

見於夫人顏色不樂即便問言何以不樂夫  
人答言閻浮提波羅柰國婆羅達王有一輔  
相名比豆梨至爲慈仁憐愍衆生智慧無比  
一切經籍靡不通達欲得此心而用食之欲  
得其血而欲飲之若得此者我愁乃除龍王  
答言莫得憂愁我當求索於是龍王有親友  
夜叉名曰不那奇語夜叉言而我夫人聞閻  
浮提波羅柰國王有輔相名比豆梨爲人慈  
愍智慧第一一切經籍莫不通暢欲得此心  
并及其血而飲食之爲我索來持兩明珠而  
用與之於是夜叉即便受教取明珠去到閻  
浮提化作賈客入波羅柰城捉摩尼珠行人



問之言汝持此珠欲賣之不荅言不賣欲用  
博戲即便白王外有賈客持二明珠欲用博  
戲其王聞之大用歡喜王自恃巧博必足得  
勝王言將來即喚入宮時王問言欲願何等  
夜又荅言我得勝者持此豆梨與我王若得  
勝此珠屬王王便可之諸日左右咸皆難之  
王利明珠自恃巧博我必得勝不用日語即  
便共博夜又得勝得此豆梨於時夜又捉此  
豆梨徑飛虛空王失此豆梨大用愁憂諸日  
皆言王行五事亡國失位一者博戲二者嗜  
酒三者耽荒女色惑於音樂四者好出遊獵  
五者不用忠諫行此五事王不得久於是夜

又擔比豆梨到於山間便欲殺之時比豆梨  
問夜叉言何以殺我夜叉荅言龍王夫人聞  
汝聰明智慧第一爲人慈仁欲得汝血并及  
其心是以殺汝比豆梨言汝之愚癡不解意  
趣聞我智慧欲得我血者欲得我法欲得我  
心者而欲得我心中智慧共往見之欲須何  
等我盡與之時比豆梨即爲夜叉說人作惡  
有五事一者作事倉卒而不審諦二者後常  
多悔三者多懷瞋恚無有慈心四者惡名遠  
聞人所憎嫉不欲見之五者死墮地獄畜生  
餓鬼修善之人有五事好何等爲五一者所  
作審諦以法自御而不卒暴後無所悔二者



多慈愍心無所加害三者好名流布聲振四  
遠四者人皆敬愛猶若師父五者死生天上  
及與人中使樂無極於是夜叉聞其所說心  
即開解頭面作禮稽首其足即從比豆梨求  
受教誨時比豆梨爲說十善生天之法夜叉  
聞法歡喜踊躍奉而行之即將比豆梨至龍  
王所夫人見比豆梨歡喜無量頭面作禮稽  
首歸命設施寶座供百味饌於是比豆梨便  
爲龍王及夫人說於五道所行罪福攝身三  
惡慈愍衆生無所傷害除捨慳貪議讓不盜  
觀欲瑕穢離於女色貞潔不姪言常至誠無  
有虛欺言常柔軟無麤獷辭和其鬪諍不訟

彼此語則應律不加綺飾心常慈忍不起瞋  
恚見人快善代用歡喜無嫉妬心一心奉信  
佛法聖衆及至真戒明了罪福意無狐疑行  
此十善具足無缺便得生天七寶宮殿所欲  
自然不殺不盜不淫不欺絕酒不醉五事具  
足生於人中國王大姓長者之家尊榮豪貴  
富樂無極無有慈心殘害衆生強劫人財盜  
竊非道淫犯他妻愛欲情態無有馱足妄言  
兩舌惡口罵詈瞋恚嫉妬不孝父母不言三  
尊背正向邪行此諸惡死入地獄燒炙榜笞  
萬毒皆更痛不可言負債不償供貸不歸解  
突無信憍慢自大謗毀三寶死墮畜生驢馬



駱駝猪羊狗犬師子虎狼虵蛇蝮蝎蜈蚣及  
餘禽獸更相殘害毒心熾盛宛轉受苦無有  
出期慳貪嫉妬不肯布施不知衣食不信三  
尊慳火所燒死墮餓鬼形體羸瘦骨節相敲  
舉身火然百千萬歲無有解時晝夜飢渴初  
不曾聞水穀之名唯行十善攝身口意長得  
生天快樂無極於是龍王及與夫人一切諸  
龍悚然心驚毛豎皆奉十善攝身口意持八  
關齋諸龍歡喜當乎是時金翅鳥王欲來噉  
龍盡其神力而不能近於是諸龍甚自欣慶  
恠未曾有龍王夫人大海諸龍一切夜叉盡  
奉十善莫不歡喜作禮稽首龍王即問比豆

梨言大師欲還閻浮提不荅言欲還於是龍  
王即以栴檀摩尼明珠及諸妙寶貢上菩薩  
夫人姝女一切諸龍及諸夜叉各各奉上異  
妙珍竒還送比豆梨至波羅柰耆首作禮歡  
喜辭去大海諸龍及諸夜叉毒心消滅死皆  
生天婆羅達王及諸群臣一切人民還得覲  
見師比豆梨皆大歡喜頭面作禮問訊起居  
時比豆梨為王具說本末如是王及臣民莫  
不歡喜歎未曾有於是比豆梨以摩尼珠舉  
著幢頭至心求願即雨七宝衣被飲食遍閻  
浮提無量臣民皆悉豐樂時天帝釋及與人  
王大海龍王迦留金翅鳥土各捨諸欲來在



山澤持齋坐禪自守身心各各自言我得福  
多天王自言我捨天上諸欲之樂今來在此  
攝身口意我得福多人王復言我捨宮中諸  
欲之娛來在此間守身口意我得福多龍王  
復言我捨大海七寶宮殿諸欲之樂今來在  
此守身口意我得福多金翅鳥王亦復說言  
今此龍王是我之食我今持齋攝身口意無  
傷害心而不食之我得福多於是四王各自  
歎說意不決了便相謂言今當共往問師比  
豆梨即往比豆梨所頭面作禮各白如是誰  
得福多菩薩荅言汝等各豎四幢幡青色白  
色黃色赤色即便受教豎四幢幡菩薩問言

其影異也。一種色乎。四王答言。幡色各異。其影一色而無有異。菩薩答言。汝等四王各捨所欲而來在此持戒自守。所得功德皆悉同等。而無差特。如四色幡。其影一類。而無有異。於時四王聞其所言。各各意解歡喜。踊躍時。天帝釋即以天上劫波育衣奉上菩薩。於時人王即以雜妙之寶。上於菩薩。大海龍王即以髻中摩尼寶珠。以上菩薩。金翅鳥王。天金拂飾。以貢菩薩。於時四王皆大歡喜。作禮而去。時閻浮提一切人民。龍及夜叉。盡行十善。當是之時。世有壽終者。盡皆生天。無有墮於三塗中者。佛告諸比丘。爾時國師比豆梨者。



今我身是尔時龍王波留及者今輔相是龍  
王夫人摩那斯者今此輔相婦是昔為龍時  
從我聞法歡喜入心得脫龍身生於天上今  
我得佛從我聞法歡喜意解即便出家思惟  
智慧諸欲永盡俱得羅漢過去世時其心亦  
好至乎今世其心亦好時諸比丘聞佛所說  
皆大歡喜為佛作禮

菩薩本行經卷下

器

羸

初眼反又初薦反

砵

正作斲音

析骨

先上

激

反博蝕下音食侵

苾芻

音僂

力毛反背曲

拘躄

下必亦反躄音非也

鞅鞞

上於兩反鞞音半

繫一怖懔其去反愴然楚狀反漱口瘦刀

也 鋸 據下音 解 析 上上聲呼 咽 細 上音煙 敲 反苦交

莫朗反 蝮 虺 上芳伏反下許鬼 嗜 貪音視 麓

大也 態 他代反 榜 笞 上步庚反下 償 還音常

賁 他代反 舩 突 反上音底 觸 徒骨前 蚘 虵 反上愚官

也 蝮 蝎 一上名 虺 伏反下許謁反 蚘 蝎 作上正

亦先擊反下音 一名 蝮 蟻 菩薩本行經下 器



